

立齋外科心法卷之三

肺疽

陸司廳子仁春間咳嗽唾痰腥穢胸滿氣促皮膚不  
澤項強脉數此肺疽也蓋肺系在項肺傷則系傷故  
牽引不能轉側肺者氣之本其華在毛其充在皮肺  
傷不能攝氣故脇脹氣促而皮膚縱東垣云肺瘡之  
脉微緊而數者未有膿也緊甚而數者已有膿也其  
脉來緊數則膿已成遂以人參黃芪當歸川芎白芷  
貝母知母麥門冬瓜蒌仁桔梗防風甘草兼以蟬蟬

薛巳新





丸及太乙膏治之膿盡脉濇而愈至冬脉復數經云  
飲食勞倦則傷脾脾傷不能生肺金形寒飲冷則傷  
肺肺傷不能生腎水腎水不足則心火熾盛故脉來  
洪數經云冬見心而不治果歿火旺之月

周國用年踰三十患咳嗽項強氣促右寸脉數此肺  
疽也東坦云風中於胃呼氣不入熱致於榮吸氣不  
出風傷皮毛熱傷血脉風熱相搏血氣稽留於肺變  
成瘡疽診其寸脉數而虛者肺痿也數而實者肺疽  
也今診脉滑此疽膿已成以排膿托裏之藥及蟬磬  
丸治之脉漸濇而愈錦衣李大器亦患此吐膿面赤

脉大予謂肺病脉宜濇面宜白今脉大面赤火尅金  
也不可治果然

一男子年踰四十喘咳脇痛胸滿氣促右寸脉大此  
風熱蘊於肺也尚未成瘡屬有餘之症予欲以瀉白  
散治之彼謂肺氣素怯不然予言乃服補藥喘嗽愈  
盛兩月後復請視之汗出如油喘而不休此肺氣已  
絕安用治後果歿夫肺氣充實邪何從襲邪氣既入  
則宜去之故也用瀉白散所以瀉肺中之邪氣  
也邪氣既去則真氣自實矣

### 疔瘡

劉貫卿脚面生疔形雖如粟其毒甚太宜峻利之藥



攻之因其怯弱以隔蒜灸五十餘壯痒遂止再灸片  
時乃知痛更用膏藥封貼再以人參敗毒散一服漸  
愈夫至陰之下道遠位僻且怯弱之人用峻利之劑  
則藥力未到胃氣先傷虛虛之禍有所不免不如灸  
之為宜

松江諸大尹唇生一疔已五日腫硬脉數煩燥喜冷  
此胃經積熱所致先以涼膈散一服熱去五六更與  
奪命丹二粒腫退二三再與荆防敗毒散四劑而愈  
胡生耳後寸餘發一毒名曰銳疽焮痛寒熱煩燥喜  
冷此膽經蘊熱而然先用神仙活命飲一劑勢減二

三時值仲冬彼惑於藥有用寒遠寒之禁故不再服  
自用十宣托裏之藥勢漸熾耳內膿潰復請視其喉  
腫閉藥不能下而歿又楊錦衣唇下生疔脉症俱實  
而不下反用托裏致口鼻流膿而死是謂實實之禍  
馬氏室忽惡寒作嘔肩臂麻木手心搔痒遂脊悶不  
自知其故但手有一泡此乃患疔毒也令急灸患處  
至五十餘壯而蘇又五十餘壯知痛投以荆防敗毒  
散而愈古人謂人暴死多是疔毒急用燈照遍身若  
有小瘡即是此毒宜急灸其瘡但是胸腹溫者可救  
先君云有人因剝死牛脊悶令看遍身俱有紫泡使



急灸泡處良久遂蘇更以敗毒藥而愈

張都憲夫人面生疔腫焮痛甚數日不潰脉症俱實以荆防敗毒散加芩連治之稍愈彼以為緩乃服托裏散一劑其勢愈甚痛極始悟再用涼膈散二劑痛減腫潰又與連翹消毒散十餘劑而愈

鄭氏舉家生疔多在四肢由皆食死牛肉所致刺去黑血更以紫金丹服之悉愈

王驗封汝和南京人感痘毒面生疔十餘枚腫痛脉數以荆防敗毒散治之雖稍愈尚可畏更以奪命丹一服而痊

### 脫疽

附修指誤傷及足凍成瘡

新都楊太僕年踰四十左足大指赤腫焮痛此脾經積毒下注而然名曰脫疽也喜色赤而痛以人參敗毒散去人參桔梗加金銀花白芷大黃二劑更以括婁金銀花甘草節四劑頓退再以十宣散去桔梗官桂加金銀花防已數劑而愈又韓判官亦有此患色紫赤不痛以膈蒜灸至五十餘壯尚不知痛又明灸百壯方知乃以敗毒散加金銀花白芷數劑而愈一膏梁人年踰五十亦患此色紫黑脚焮痛孫真人云脫疽之症急斬去之毒延腹必不治色黑不痛者亦



不治喜其飲食如故動息自寧為瘡瘍之善證也尚  
可治遂以連翹消毒散六劑更以金銀花甘草節瓜  
萋二十餘劑患指潰脫再以當歸川芎生地連翹金  
銀花白芷二十餘劑而愈次年忽發渴予治以加減  
八味丸不聽另服生津等藥愈盛却服予前藥而愈  
一人患腦疽愈後發渴固不服前丸脚背患疽而死  
一人作渴欲發疽與此丸治之不惟渴止而氣血亦  
壯大抵此症皆由膏粱厚味或房勞太過丹石補藥  
所致其發於指微赤而痛可治治之不愈急斬去之  
庶可保否則不治色紫黑或發於脚背亦不治或先  
發而後渴或先渴而後發色赤紫而不痛此精氣已  
竭決不可治

一蕩蕩左足指患一泡麻木色赤次日指黑五日足  
足黑冷不知疼痛脉沉細此脾胃受毒所致以飛龍  
奪命丹一服翌日令割去足上死黑肉割後骨始痛  
可救遂以十全大補湯治之而愈蓋肉死乃毒氣盛  
而拒截營氣所致况至陰之下氣血難達經云風淫  
末疾即此是也向若攻伐之則邪氣愈盛乘虛上侵  
必不救

一婦人修傷次指成膿不潰焮痛至手誤敷涼藥以



致通熅微嘔少食彼以為毒氣內攻診其脉沉細此痛傷胃氣而然也遂刺之服六君子湯加藿香當歸食進更服八珍湯加黃耆白芷桔梗月餘而愈一後生亦患此色黑不痛其指已死予欲斬去速服補劑恐黑上臂不治彼不信另服敗毒藥手竟黑遂不救一男子亦傷拇指色紫不痛服托裏藥及灸五十餘壯作痛潰膿而愈吳舉人幼女因凍傷兩足至春發潰指俱壞遂去之服以大補藥而愈藍上舍女患嵌甲傷指年餘不愈日出膿數滴予謂足大指乃肝脾二經發源之所宜灸患處使瘀肉去陽氣至瘡口自合否

則不治彼忽之不早治後變勞症而歿蓋至陰之下血氣難到若女人患此又多因扎縛致血脉不通或被風邪所襲則無氣血營養遂成死肉惟當壯其脾胃行其經絡生其血氣則愈其有成破傷風以致牙關緊急口眼喎斜者先以玉真散一二服然後投以通經生血之劑

### 天泡瘡

毛閣老孫年十餘歲背側患水泡數顆發熱脉數此肺胃經風熱所致名曰天泡瘡遂以荆防敗毒散加芩連服之外去毒水以金黃散敷之又四劑而愈又



楊文魁腹患此延及腰背焮痛飲冷脉數按之愈大  
乃表裏俱實也以防風通聖散一劑更敷前散勢減  
大半再以荆防敗毒散二劑而愈

楊梅瘡近時稱

一男子下部生疳諸藥不應延及遍身突腫狀似番  
花筋攣骨痛至夜尤甚此肝腎二經濕熱所致先以  
導水丸五服次以龍膽瀉肝湯數劑再與除濕健脾  
之藥外貼神異膏吸其膿隔蒜灸拔其毒而愈若表  
實者以荆防敗毒散裏實者以內疎黃連湯又有表  
裏俱實者以以防風通聖散氣虛者以四君子湯血虛

者以四物湯俱加兼症之藥治之並愈若服輕粉等  
藥反收毒於內以致迭發緊服防風通聖散氣血愈  
虛因而不治者多矣

一男子患楊梅瘡後兩腿一臂各潰二寸許一穴膿  
水淋漓少食無睡久而不愈以八珍湯加茯苓炒酸  
棗仁服每日以蒜搗爛塗患處灸良久隨貼膏藥數  
日少可却用豆豉餅灸更服十全大補湯而愈凡有  
腫硬或作痛亦用蒜灸及敷冲和膏內服補藥並効

時毒

徐考功兄湖廣人年踰三十耳面焮腫寒熱拘急脉



浮洪此時毒證也齊氏云時毒者感四時不正之氣所致也其候發於面鼻耳項咽喉赤腫或結核令人增寒壯熱頭疼肢體痛昧者以為傷寒五七日間乃能殺人十日外不治自愈診其脉若浮數邪氣在表當發之沉實者邪氣在裏當下之今其脉浮洪此邪在表也以荆防敗毒散加牛蒡子玄參治之漸愈更以升麻葛根連翹桔梗川芎金銀花牛蒡子而平復又云宜於鼻內啗通氣散取十餘嚏作効若嚏藥不嚏者不可治如嚏出膿血治之必愈如左右看病之人每日用嚏藥嚏之必不傳染

周舉人母年六十時仲冬患時毒頭面耳項腫赤痛甚大便閉濇脉數實此表裏俱實也飲防風通聖散一劑勢愈盛此藥力猶淺也取磁鋒擊刺患處出黑血仍與前藥稍可再與敗毒散加連翹荆防十餘劑而愈若拘用寒遠寒用熱遠熱及年高畏用硝黃投以托裏之藥或尋常消毒藥治之鮮不危矣

### 風熱

宋生遍身作痒搔破成瘡出水脉浮數此手足陽明經風熱所致以人參敗毒散對四物湯加芩連服之外以松香一两枯礬五錢輕粉三錢為末麻油調敷



月餘而愈又一人患此但脉沉實以前藥加大黃治之漸愈再服人參敗毒散而平

徐工部宜人先兩膝後至遍身骨節皆痛脉遲緩投以羌活勝濕湯及荆防敗毒散加滲濕之藥治之不應次以附子八物湯一劑悉退再服而愈若脉洪數而痛者宜服人參敗毒散有毒自手足起至遍身作痛或至頸項結癰如貫珠者此為風濕流氣之證宜以加減小續命湯及獨活寄生湯治之又有小兒宿痰失道癰腫見於頸項或臂膊胸背是為冷證宜用四生散敷貼內服前藥及隔蒜灸之

王喬年踰三十肩患毒以人參敗毒散一劑更以十宣散去參桂加金銀花天花粉四劑而潰因怒動肝火風熱上壅頭面赤腫焮痛飲冷以荆防敗毒散加芩連薄荷二劑不應急砭患處出黑血盞許仍以一劑勢退大半再進人參敗毒散四劑而愈夫病有表裏上下之殊治有緩急攻補之異若不砭刺毒氣結於肉理藥不能及焮腫日盛使投峻利之藥則上熱未除中寒已作必傷命矣

一婦人腦左腫痛左鼻出膿年餘不愈時或掉眩如坐舟車正許叔微所謂肝虛風邪襲之而然也以川



芎一兩當歸三錢羌活旋覆花細辛蔓荊子防風石  
膏藁本荊芥穗半夏麩乾地黃甘草各半兩乃製一  
料每服一兩薑水煎服而愈

一男子眼赤痒痛時或羞明下淚耳內作痒服諸藥  
不應氣血日虛飲食日減而痒愈盛此肝腎風熱上  
攻也以四生散酒調四服而愈又一人頭目昏眩皮  
膚瘙痒搔破成瘡以八風散治之亦愈

陸子仁子感冒後發瘧不醒人事磨傷脅肉三寸許  
一塊此膀胱經必有濕熱診其脉果數予謂此死肉  
最毒宜速去之否則延漬良肉多致不救遂取之果

不知疼痛因瘧不止陸君疑為去肉所觸予謂此風  
熱未已彼不聽另用乳沒之劑愈盛復請治予以祛  
風消毒藥敷貼查春田飲以祛風涼血降火化痰之  
劑而愈金工部洪載傷寒後亦患此甚危亦取去死  
肉以神効當歸膏敷貼以內疎黃連湯飲之狂言愈  
盛其脉愈大更以涼膈散二劑又以四物湯加芩連  
數劑而愈予見患瘡者責效太迫服一二劑未應輒  
改服他藥反致有誤不思病有輕重治有緩急而槩  
欲効於一二劑之間難矣况瘡瘍一證其所由來固  
深以久又形證在外肌肉潰損較之感冒無形之疾



不同安可旦夕取效患者審之

吳黃門瞻之顛赤腫痛此胃經風熱上攻所致以犀角升麻湯二劑而平又姜大理患此以前湯為人所惑謂湯內白附子性溫而不服另用荊防敗毒散愈盛後雖用此湯尚去白附子亦不應後用全方三劑而愈本草云白附子味甘辛氣溫無毒主面上百病及一切風瘡乃風熱之主藥內經云有是病用是藥苟不用主病之藥病焉得而愈哉

一男子患瘡疥多在兩足午後痛甚腿腕筋紫而脹脉洪大此血熱而然也於紫處砭去毒血更以四物湯加芩連柴胡地骨牡丹皮服之而愈如手臂有瘡臂腕筋紫亦宜砭之老弱人患此作痛須補中益氣湯加涼血藥治之

有人年踰五十筋骨痿軟卧床五年遍身瘙痒午後尤甚予以生血藥治之痒漸愈痿少可更以加味四斤丸治之調理謹守年餘而痊河間云熱淫于內而用溫補藥何也蓋陰血衰弱不能養筋筋緩不能自持陽燥熱淫于內宜養陽滋陰陰實則水升火降矣一男子遍身瘙痒諸藥不應脉浮按之而瀋予以生血藥為主間以益氣百貼而愈



婦人血風癩瘡

一婦人生風癩似癬三年不愈五心煩熱脉洪按之則瀦此血虛之證也當以生血為主風藥佐之若專攻風毒則血愈虛而熱愈熾血被煎熬則發癩癰或為怯證遂以逍遙散數劑及人參荆芥散二十餘劑而愈

一婦遍身瘙痒秋冬則劇脉浮數此風邪客於皮膚而然也名曰血風癩飲以消風散及搽蛇床子散少可更以四物湯加荆防數劑而愈又一婦人患此夏月充甚脉洪大以何首烏散一婦患赤斑瘙痒搔破成瘡出水久而不愈內服當歸飲外搽蛇床子散並愈又一婦久患此諸藥不應以四生散數服而愈大抵婦人體虛風邪客於皮膚則成白癩寒濕客於肌肉鬱熱而為赤癩色雖有異治法頗同凡人汗出不可露卧及浴經云汗出見濕乃生瘰癧雷公云遍身風癩酒調生側予用屢驗

風寒

一婦人年踰四十近環跳穴生一毒尺脉沉緊腿不能伸經曰脾寒移於肝癰腫筋攣夫脾主肉肝主筋肉温則筋舒肉冷則筋急遂與乳香定痛丸治之少



愈更以助胃壯氣血藥二十餘劑而消

王汝道膝腿腫筋骨痛服十宣散不應脉沉細予以五積散二劑而痛止更以十宣散去桔梗加牛膝杜仲三十餘劑膿潰而愈此寒氣之腫八風之變也

一婦人臂痛筋攣不能伸屈遇寒則劇脉緊細正陳良甫所謂肝氣虛為風寒流於血脉經絡搏於筋筋不榮則乾急而為痛先以舒筋湯更以四物湯加牡丹皮澤蘭白朮治之而痊亦有臂痛不能舉或轉左右作痛由中腕伏痰脾氣滯而不行宜茯苓丸或控涎丹治之

胡縣丞遍身走痛兩月後左脚面結腫未幾腿股又患一塊脉輕診則浮重診遲緩此氣血不足腠理不密寒邪襲虛而然以加減小續命湯四劑及獨活寄生湯數劑疼痛頓去更以托裏藥倍加參耆歸朮百貼而愈後又有劉生手臂結核如栗延至頸項狀似癰癧此風濕流注亦以前藥治之而愈

一男子每至秋冬遍身發紅點如斑作痒此寒氣收斂腠理陽氣不能發越佛鬱內作也宜以人參敗毒散解散表邪再以補中益氣湯益氣實表彼以為熱毒自用涼藥愈盛復請以補中益氣湯加茯苓半夏



外秘心法卷三  
三十一  
羗活四劑更以補中益氣湯數劑而愈劉守真曰瘡  
腫因內熱外虛風濕所乘然肺主氣皮毛脾主肌肉  
氣虛則膚腠開風濕所乘脾氣濕而內熱即生瘡也  
腫者由寒熱毒氣客於經絡使血澁壅結成腫風邪  
內作者即無頭無根氣血相搏作者有頭有根赤核  
腫則風氣流會瘡以痛為實痒為虛者非謂虛為寒  
謂熱之微甚也

顧泰室患瘰癧寒熱焮痛治以人參敗毒散翌日遍  
身作痛不能轉側彼云素有此疾服藥不應每發痛  
至月餘自止陳良甫云婦人體虛受風邪之氣隨血  
而行或滲溢皮膚卒然掣痛遊走無常故名走注痛  
即癰節風也以四生丸治之而愈

### 鶴膝風

一男子左膝腫大三月不潰予謂體虛之人風邪襲  
於骨節使氣滯而不行故膝愈大而腿愈細名曰鶴  
膝風遂以大防風湯三十餘劑而消張上舍亦患此  
伏枕半載流膿三月彼云初服大防風湯去附子將  
潰服十宣散今用十全大補湯而去肉桂俱不應視  
脉證甚弱予以十全大補湯每貼加熟附子一錢服  
三十餘劑少愈乃去附子五分服至三十餘劑將愈



却去附子更以三十餘劑而痊夫立方之義各有所宜體氣虛弱邪入骨界過絕隧道若非用附桂辛溫之藥開散關節腠理之寒邪通暢隧道經絡之氣血決不能愈且本草云附子治寒濕踈痺拘攣膝痛不能行步以白朮佐之為寒濕之聖藥又云桂通血脈消瘀血堅骨節治風痺骨攣脚軟宣導諸藥十全大補湯以治前證不但不可去桂亦不可不加附子無此二味何以行參耆之功健芎歸之性而補助血氣使之宣通經絡扶大虛之證以收必捷之效哉况前證在骨節之間關鍵之地治之不速使循環之氣至

此鬱而為膿從此而泄氣血瀝盡無可生之理矣亦有秋夏露卧為寒折之焮熱內作遂成附骨疽有賊風搏於肢節痛徹於骨遇寒尤甚以熱熨之少減尤當以大防風湯治之更以蒜搗爛攤患處用艾鋪蒜上燒之蒜壞易之皮膚倘破無妨若經久不消極陰生陽潰而出水必致偏枯或為漏症宜服內塞散及附子灸之或臑大或發渴不治以其真氣虛而邪氣實也

濕熱

斬閣老子玉莖腫痛服五苓散等藥不應予診其臑



左關弦數此肝經積熱而成以小柴胡湯送蘆薈丸  
一服勢去三四再服頓愈

山西張縣丞年踰五十兩腿腫脹或生瘡癩小便頻  
而少聲如瓮出服五皮等散不應掌醫院銀臺季先  
生疑謂瘡毒令請予治診其脉右關沉緩此脾氣虛  
濕氣流注而然非瘡毒也劉河間云諸濕腫滿皆屬  
於土按之不起皆屬於濕遂投以五苓散加木香倍  
蒼朮白朮亦不應予意至陰之地關節之間濕氣凝  
滯且水性下流脾氣既虛安能運散若非辛溫之藥  
開通腠理行經活血則邪氣不能發散遂以五積散

二劑勢退太半更以六君子湯加木香升麻柴胡薏  
苡仁兩月餘而愈設使前藥不應更投峻劑虛虛之  
禍不救矣

一男子濕熱下注兩腿生瘡以人參敗毒散加蒼朮  
黃栢服之以金黃散敷貼又一人患此久而不愈以  
船板灰存性一兩輕粉三錢為散麻油調貼更以黃  
栢知母防已龍胆草茯苓當歸川芎黃耆白朮服之  
並愈若人兩腿生瘡作痛或遍身作痛以當歸拈痛  
湯治之

趙千兵患兩腿生瘡每服敗毒藥則飲食無味反增



腫脹此脾虛濕熱下注也以六君子湯加蒼朮升麻酒炒芍藥服之以黃膈麻油各一兩輕粉三錢為膏貼之而愈大凡下部生瘡雖屬濕熱未有不因脾腎虛而得之者

儀真陳儀部司廳年踰五十兩膈生瘡日久不愈飲食失節或勞苦或服滲利消毒之劑愈盛脾脉大而無力此脾虛而兼濕熱也以補中益氣湯數劑少愈更以六君子湯加蒼朮升麻神麩治之而愈嘗治下部生瘡焮痛或發寒熱或脚氣腫痛以人參敗毒散加檳榔紫蘇蒼朮黃柏並効久不愈者以四生散治

之愈後以補腎丸補之庶不再發矣

北京劉鴻腿生濕瘡數年不愈尺脉輕診似大重診無力此腎氣虛風邪襲之而然名曰腎臟風瘡以四生散治之彼不信自服苓連等藥遂致氣血日弱膿水愈多形證愈憊迨二年復邀治仍以前藥治之而愈夫肢體有上下臟腑有虛實世之患者但知苦寒之藥能消瘡毒殊不知腎臟風因腎氣不足所致當以羨菴為君黃耆為臣白附子獨活為佐使若再服敗毒等藥則愈耗元氣速其死矣

高其部連日飲酒陰挺并囊濕痒服滋陰等藥不應



予謂前陰者肝經脉絡也陰氣從挺而出素有濕繼以酒為濕熱合於下焦而然也經云下焦如瀆又云在下者引而竭之遂以龍膽瀉肝湯及清震湯治之而愈若服此藥不應宜補肝湯或四生散治之

趙大用兩臂腫痛服托裏藥日盛予謂腫屬濕痛屬火此濕熱流注經絡也以人參敗毒散加威靈仙酒炒黃芩南星數劑漸愈更以四物湯加蒼朮黃柏桔梗二十餘劑而消又一婦下體腫痛亦與人參敗毒散加威靈仙黃柏蒼朮數服痛減更以四物湯加黃柏紅花防己蒼朮澤瀉二十餘劑亦消

葉巡檢兩腿作痛每痛即以濕布搨之少愈月餘反盛夜痛尤劇丹溪云血受熱已自騰沸或涉冷或受濕取涼熱血得寒汚濁凝澁所以作痛夜痛甚行於陰也苟痛以冷折之即前所謂取涼之證也以五積散二劑頓愈更以四物湯加黃柏蒼朮牛膝木瓜三十餘劑而消夫濕痰濁血注於僻道若非行經流濕推陳致新不能瘳也如藥蒸罨或用涼藥敷貼或用寒藥降火反成敗證矣

戶部韓老先生山西人左臂肘患一紫泡根畔腫赤大腸脉訖予謂訖主失血或積血公曰血痢未瘳以



芍藥湯二劑更以人參敗毒散二劑瘡痢並愈

一老人患痢驟用泄藥致大腸經分作痛此濕毒流

於隧道而然以四物湯加桃仁酒黃芩紅花升麻枳

殼陳皮甘草治之漸愈因年高胃弱竟至不起又一

患者亦用泄劑環跳穴作痛予與前藥去升麻陳皮

甘草加蒼朮黃柏柴胡青皮生薑十餘劑稍可更刺

委中出黑血而愈如平蘸熱水拍腿上有泡起去血

亦可不若刺穴尤速效也委中在膝腕中央橫紋中動脈便是

一男子腿痛筋攣遍身酸軟一道人與痰藥及托裏

藥期三日可痊皆不應請予治予謂非瘡毒大筋軟

短小筋弛長此濕熱為患也以人參敗毒散加蒼朮

黃柏枳榔木瓜治之少愈更以清燥湯二十貼而痊

夫內有濕熱外有風寒當泄不當補反以甘溫之劑

必不效矣

余舉人第年及二十腿膝腫痛不能伸屈服托裏藥

反予以人參敗毒散加檳榔木瓜柴胡紫蘇蒼朮黃

栢而愈

痔附血氣 婦人陰瘡 男子便血

一男子痔瘡腫痛便血尤甚脉洪且瀉經云因而飽

食筋脉橫解腸澀為痔蓋風氣通於肝肝生風風生



熱風客則淫氣傷精而成斯疾遂與黃連當歸黃耆  
生地黃防風枳殼白芷柴胡槐花地榆甘草治之漸  
愈次以黃連丸而瘥又姜生便血數年百藥不應面  
色痿黃眼花頭眩亦以黃連丸治之而平

曹銓因飲法酒肛門腫痛便秘脉實服荆防敗毒散  
不應予用黃連內疎湯而愈

一男子患痔脉浮鼓午後發熱作痛以八珍湯加黃  
耆柴胡地骨皮治之稍可彼欲速效用劫藥蝕之痛  
甚絕食而歿夫瘡之潰歛氣血使然也脉浮鼓日晡  
痛此氣血虛也丹溪云瘡口不合用大劑參耆木歸

芎補之外以附子餅灸之更以補藥作膏貼之

一男子年踰四十有痔漏大便不實服五苓散愈加  
泄瀉飲食少思予謂非濕毒乃腸胃虛也當以理中  
湯治之彼不為然仍服五苓散愈盛復請予乃以理  
中湯及二神丸月餘而平

李達因痔瘡怯弱以補中益氣湯少加芩連枳殼治  
之稍愈後因怒加甚時仲冬脉得洪大予謂脉不應  
時此乃腎水不足火來乘之藥不能治果歿於火旺  
之月嘗見患痔者腎脉不足俱難治

張刑部德弘便血數年舌下筋紫午後唇下赤胃肺



脉洪予謂大腸之脉散舌下大腸有熱故舌下筋紫  
又便血蓋胃脉環口繞承漿唇下即承漿也午後陰  
火旺故承漿發赤蓋胃為本肺為標乃標本有熱也  
遂以防風通聖散為丸治之而愈後每睡忽驚跳而  
起不自知其故如是者歲餘腦發一毒炊痛左尺脉  
數此膀胱經積熱而然以黃連消毒散數劑少愈次  
以金銀花瓜蒌甘草節當歸服月餘而平

劉商有痔肛門脫出此濕熱下注真氣不能升舉診  
其脉果虛遂以四君子湯加黃耆芎歸蒼朮黃柏升  
麻柴胡服之更以五倍子煎湯薰洗彼以為緩乃用

砒霜等毒藥蝕之而歿夫劫藥特治其末且能伐真  
元鮮不害人慎之慎之

徐生因痔氣血愈虛飲食不甘小便不禁夜或遺精  
此氣虛兼濕熱而然非瘡故也以補中益氣湯加山  
茱萸山藥五味子兼還少丹治之而愈

一男子患痔漏膿出大便諸藥不應診其脉頗實令  
用猪腰子一箇切開入黑牽牛末五分線扎以荷葉  
包煨熟空心細嚼溫鹽酒送下數服頓退更以托裏  
藥而愈

一男子年踰四十陰囊腫痛以熱手熨之火緩服五



外科心法卷三  
三  
苓等散不應尺脉遲軟此下虛寒邪所襲而然名曰  
寒疝非瘡毒也予以蟠葱散治之火可更以胡蘆巴  
丸服之而平

胡同知陝西人年踰五十陰囊腫痛得熱愈盛服蟠  
葱散等藥不應肝脉數此囊癰也乃肝經濕熱所致  
膿已成急針之以龍膽瀉肝湯脉證悉退更以托裏  
滋陰藥外搽杉木灰紫蘇末月餘而愈此症雖潰盡  
而無害患者審之

栢道官年六十餘陰囊已潰痛不可忍腎丸露出與  
龍膽瀉肝湯服之及敷前末不應予意此濕氣熾盛  
先以槐花酒一碗仍以前湯少愈更以托裏加滋陰  
藥月餘而平設以前藥不應加之峻劑未有不損中  
氣以致敗者也聘士陳時用沈汝和患此悉用前藥  
而愈

一婦人隱內膿水淋漓或痒或痛狀似蟲行診之火  
陰脉滑數此陰中有瘡也名曰匿由心神煩鬱胃氣  
虛弱氣血凝滯所致與升麻白芷黃連木通當歸川  
芎白朮茯苓柴胡煎服用揭腫湯薰洗更搽蒲黃水  
銀兩月餘而愈或有胞絡虛風邪乘陰血氣相搏令  
氣否澁致陰腫痛當以菖蒲散治之更以枳實炒熱



帛裹熨之冷則再炒或有子臟虛冷氣下衝致陰脫  
出謂之下脫或因產努力而脫者以當歸散治之久  
不愈者以補中益氣湯倍加升麻柴胡升舉之  
一男子尿血陰莖作痛服清心蓮子飲不應服八正  
散愈盛予以髮灰醋湯調服少愈更以斑龍丸而平

### 懸癰

苗莖部穀道前患毒瘡痛寒熱此肝經濕熱所致各  
曰懸癰屬陰虛症先以製甘草二服頓退再以四物  
加車前子青皮甘草節酒製黃柏知母數服而消又  
一弱人莖根結核如大豆許勞則腫痛先以十全大

補湯去桂加車前子麥門冬酒製黃柏知母少愈更  
服製甘草漸愈仍以四物車前之類而消又一患者  
炊痛發熱以龍膽瀉肝湯二劑及製甘草四劑而潰  
再用滋陰之劑而愈若或膿未成以葱炒熱敷上冷  
易之隔蒜灸之亦可數日不消或不潰或潰而不斂  
以十全大補湯加柴胡稍為主間服製甘草並効若  
不保守必成漏矣

一男子年踰五十患懸癰膿清肝腎此不慎酒色濕  
熱壅滯也然膿清脉弱老年值此何以收斂况穀道  
前為任脉發源之地肝經宗筋之所予辭不可治後



果死嘗治此癰惟澗水製其草有效已破者兼以十全大補湯為要法

### 便毒

舉人凌待之湖州人年踰四十患便毒尅伐太過飲食少思大便不實遺精脉微東垣云精滑不禁大便自利腰脚沉重下虛也仲景曰微弱之脉主氣血俱虛也先以六君子湯加破故紙肉苳蔻煎服瀉止食進更以十全大補湯加行經藥十餘劑而消

胡判官患便毒膿稀脉弱以十全大補湯加白欬五味子麥門三十劑稍愈更以參耆歸朮膏而平因新婚復發聚腫堅硬手足並冷脉弱皮寒飲食少思此虛極也仍用前藥加桂附三劑稍可彼欲速自用連翹消毒散瀉利不止竟致不救

京臺王文遠年踰四十素勞苦患便毒發寒熱先以小柴胡湯加青皮一服表症悉退次以補中益氣湯加川山甲二服腫去三四更以托裏之藥五六服膿成刺去旬日而斂



外科心法卷之三終

